

LAWATAN RASMI PEMERINTAH TENTERA UDARA DIRAJA BRUNEI (TUDB) KE MALAYSIA

 airforce.mil.my/berita/acara-rasmi/2230-lawatan-rasmi-pemerintah-tentera-udara-diraja-brunei-tudb-ke-malaysia

KUALA LUMPUR, 10 Ogos 17 – Pemerintah TUDB, Yang Mulia Brig Jen (U) Dato Seri Pahlawan Shahril Anwar bin Haji Ma'awiah telah melaksanakan lawatan kerja rasmi beliau ke Malaysia. Dalam rangka lawatan selama 2 hari mulai 9 hingga 11 Ogos 17, beliau telah membuat kunjungan hormat ke atas Panglima Angkatan Tentera, Yang Mulia Jeneral Tan Sri Raja Mohamed Affandi bin Raja Mohamed Noor. Hadir sama semasa kunjungan berlangsung Panglima Tentera Udara, YBhg Jen Dato' Sri Hj Affendi bin Buang TUDM dan Ketua Setiausaha Kementerian Pertahanan, YBhg Dato' Sri Abdul Rahim Mohamad Radzi.

Terdahulu, ketibaan beliau di Wisma Pertahanan telah disambut dengan penuh istiadat ketenteraan menerusi perbarisan Kawalan Kehormatan Utama yang turut diiringi oleh Pasukan Pancaragam Pusat TUDM.

Yang Mulia Brig Jen (U) Dato Seri Pahlawan Shahril Anwar turut diberikan taklimat berkenaan organisasi TUDM sejurus selesai melakukan kunjungan hormat ke atas Panglima Tentera Udara. Taklimat tersebut dihadiri Timbalan Panglima Tentera Udara, Panglima Operasi Udara, Panglima Bantuan Udara dan AKS-AKS Bahagian.

Lawatan ini adalah bertujuan untuk mengeratkan lagi hubungan diplomasi pertahanan yang telah wujud sekian lama khususnya antara TUDM dan TUDB.



